



「非以役人，乃役於人。」
“Come not to be served; but to serve.”

校徽的意義

本校校徽，原為嶺南大學校徽，乃已故中學校長司徒衛先生所設計，圖案簡單，象徵嶺南大學從懷士堂北望之風景。上為白雲山，中為珠江，江邊有荔枝樹一列，下有小徑，顯出母校之雄偉氣象。

校徽中之山、水、樹、及小徑，各有深遠之意義，茲略述如下：

(一)白雲山為嶺南名山，雄據粵南，象徵人生最高之理想。嶺南大學及其附校，均以基督教義及精神，為創立之基礎，以基督之人生觀為教育之最高理想。太史公謂高山仰止，景行行止基督真理為嶺南人所仰望，所實行，此即白雲山所代表之意義也。

(二)珠江為東西北江三江之總匯，源遠流長，象徵嶺南教澤。故嶺南歌中，有「嶺南教澤珠江水，源源長流無盡」之句。嶺南大學有九十餘年之歷史，學生遍布各洲，今母校雖不存在，然懷念母校之情，久而不渝也。

(三)樹乃象徵事業，每年夏季，荔枝樹結實纍纍，基督化之人生，正是如此。詩篇謂喜愛上帝律法之人為有福，如林木植於溪旁，及時結果，其葉青蒼。嶺南人之願望，乃以終身事業，實現為神為國為嶺南之理想。

(四)小徑代表前途，基督教教育，開發人生光明之前途。學生不論貧、富、智、愚，其未來之造就，無可限量。或登白雲之巔，北望五嶺，或浮珠江之水，遠涉重洋，每一嶺南學子，均循此途徑，努力前程也。

校色的意義

嶺南校色是紅與灰，即殷紅如血，深灰似鐵，象徵堅強忠義。本此紅灰精神，前進不已，開發萬世鴻基。

嶺南學院圖書館

21 MAR 1997

LINGNAN COLLEGE LIBRARY